

光緒十三年丁亥仲秋

華

縣

志

版存禮房

續刻莘縣志序

莘志自康熙五十六年後久未  
修自咸豐年間版燬兵燹遂無  
志方今

至天子親政伊始觀民設教設輔軒  
衽止採風問俗守土者不能執

莘縣志

序

一

簡以對亦邦人羞也下車日前  
令語珊耿公以修志志未遠  
告卽諭諸官紳僉以難辭竊思  
創難因易志書之創也自天文  
地理及古今故實瓜蒞果穀無  
不部分而類聚非材力聰明過

尋常什伯不能旁搜遠紹臚爲  
卷軸令其朗若列眉是爲至難  
若旣已創矣其湮沒弗彰及傳  
聞異辭之陳蹟前人付諸闕如  
後人欲從故紙堆中摭拾危言  
爭賅洽補罅漏或至穿鑿附會

貽笑方家是才高意廣好爲苟  
難莘志經孫公愈賢劉公蕭劉  
公維禎三賢之手而成事見前  
者前志已詳所未詳者自康熙  
丁酉迄光緒丁亥百七十餘年  
耳取舊志翻刻之因舊志增益

之如膳帳簿依模脫聖似亦無  
難謀之官紳僉曰可迺向收藏  
家尋獲舊志稟 府尊程公頌  
發郡志嘉慶十一年前載郡志  
者鈔胥從事後之數十年命邑  
人分司其役各舉所知以爲志

不知者闕以待考時執筆者爲  
山長參訂者爲齋長採訪較勘  
者爲書院肄業生分校監梓者  
爲同城諸君子閱數月而蒞事  
例得備書簡端襲前人之舊藉  
諸公之力是謂因人成事無精

思壯采鋪張揚厲以潤色

聖天子維新之雅化是謂因陋就簡  
然避難就易比及公子荆之居室  
聊且而粗畧俾後之修志者依  
爲初枕或亦飽食終日無所用  
心之所爲也是爲序

光緒十三年丁亥署莘縣事  
滄池張朝瑋撰

重修莘縣志敘

莘縣志自康熙五十六年重修後既多歷年所矣咸豐乙卯余權是邑事意蒐輯而重鑿之時經寇擾有志焉而未逮也忽忽三十餘年殊爲耿耿歲在丁亥

澗池 張伯玉宰莘甫視事卽殷然以修志爲亟向余索舊志作藍本竊心躉焉而慮其事與願違乃不數月而草創就越半載而鑄雕成蓋本舊志而徵文考獻存信闕疑者甚盛舉也昔

明道尹上元修邑志曰此居官  
第一義晦翁軍南康下車卽治  
郡志彼大儒也豈區區文字者  
昭政紀言垂憲示誠志實亟焉  
故君子先之 伯玉治譜家聲  
其來有自誠有法乎程朱二公

之意而當務之爲急者其襟抱  
蓋侷乎遠矣余不文而鴻雪舊  
蹤恍焉疇昔憶爾時年少氣盛  
勢廣而荒修廟宇修城池修衙  
署正塔尖逐日辨色而輿與都  
料匠攘臂爭先未遑伏案執筆

向都人士微顯闡幽爲蹉跎歲  
月也旣樂聞乎志之成並嘉與  
續修者之有志竟成爰略敘其  
顛末如右

光緒十三年季夏之月二品頂  
戴鹽運使銜山東候補道北平

莘縣志

序

胡鳴泰序

莘縣志原序一

邑有志猶國有史上下千百年禮樂律歷兵刑農賦諸大典旁蒐博引紀傳編年或五萬言至千餘萬言史家著作燦然明備至郡邑上其書於太史山川閭巷之事昆蟲草木之微紀土風載民物備輶軒之採擇者有司事也聞之紀詳而志約志約以志信耳余自鼓篋辨志以來讀書曉大義文章政事仕學相資昔司馬溫公之論文史爲多惟歐陽公多談吏事文章所以澤身政事可以及物文章者政事所出其何敢二視之歟及筮仕莘令土瘠民貧心勞莘縣志原序一

八

政拙方鞅掌逡巡奉職救過之不暇又遑問史乘文獻之林從事鉛槧舊業哉然邑乘所載政治之得失風俗之貞淫人物之臧否其事犁然見於簡篇因時救弊實有裨於經濟舊志闕焉無存而令茲土者復遜謝弗遠舍文章而談政事不亦足羞當世之士耶今

聖世宇內一統漸被暨詒車書文物之盛翕然嚮風軼漢唐而躋三代周官建制千八百國職方統隸大小相維無一不在星碁繡錯中也莘固徧小下邑列古東郡西南自明季孫公重修邑志迄今四十年事變幾變其間賦役增減土

俗變更名賢品行之傑出者月異而歲不同不亟爲釐訂  
幾至湮沒弗傳况纂修志書之役懷遵

功令炳若日星余愧不敏進邑之大夫士而謀之詢父老  
詢掌故廣搜約取列爲八卷凡星野封域土田食貨災祥  
吏治人物藝文之類芟繁錄要瞭然指掌余謬加編輯實  
大夫士校訂之力也不敢妄謂成書表章往事庶幾存其  
信不存其疑上以副採風之盛下不負仕學相資之素心  
爾

康熙十一年壬子仲冬

莘縣志

原序一

九

賜進士出身知莘縣事晉陵劉維禎撰

莘縣志原序二

古有封建而無郡縣故有列國之史而無郡縣之志晉之乘楚之檮杌魯之春秋皆列國之史也非志也聞考周禮所載有小史以掌邦國之志有外史以掌四方之志則自史策而外古亦未嘗無志左史倚相能誦三墳五典八索九邱九邱非卽九州之志乎則是古之有志由來尙矣漢班孟堅志天文地理五行郊祀律厯食貨以極陰陽之變以通萬類之情而志之名始立陳壽志三國不曰史而曰志則志與史固同實而異名者也宋朱元晦守南康甫下

莘縣志

原序一

十

車輒問郡志豈不以風俗之淳漓政治之得失莫詳於志而古大儒守土涖民留心治術固靡不如此也莘之有志莫知所從來或云始自後魏姑第弗深考明季孫君愈賢修輯莘志始有成書然或務爲廣博則文辭雖繁要亦未軌筆削迄我

朝

家侍御更爲刪定編次甲乙而條分縷析綱舉目張聿稱純修惜年遠風微斯文凋敝後此諸賢或以簿書執掌不遑著述或涖任未久卽以事去官雖擅繡虎之才若金沙曹亮采者亦僅刻有莘雜錄一書其於縣志尙置勿問則

茫茫墜緒誰職其咎歟余尹莘七載閒於公事之暇訪求  
故老撫述舊聞時與邑中鄉先生暨二三文學叅互考訂  
闡晰幽微大而扶植綱常小而蒐求物類庶幾起衰式靡  
垂爲實錄俾後之覽者奮然知所興起斯亦爲民司牧之  
責也如謂以是矜良史才詡詡然稱一代作者則非余之  
所敢出也

康熙五十六年丁酉正月知莘縣事會稽劉蕭讓

教諭李元祉訓導傅廷鏗全校 典史蘇調元監梓 鄉

官蔣曰可舉人王錫冕李克家尹鴻儒貢士孫明哲生員

莘縣志

原序二

七

蘇砥叅訂

續刻修訂姓氏

知縣張朝瑋

監修

教諭楊化多

全校

訓導丁建初

典史陳來悌

監梓

把總吳清杰

陽穀舉人孔廣海

纂修

邑人學博張樞

參訂

採訪參校

莘縣志

卷

續刻姓氏

十二

東鄉廩生盛一德

文生武景文

西鄉廩生蔡炳莖

廩生于培基

南鄉典籍李華堂

舉人高鴻漸

北鄉廩生孫映璣

廩貢孫道平

城關武舉李丕元

副榜盛樹人

武生楊雙興

增生左登瀛

陽穀廩生范曉林

劉桂宮

分繕

朝城增生郭紹英

莘縣志

卷

續刻姓氏

十三

禮房王有祿存版

莘縣續志目錄

卷之一

封域志

分野 圖附 疆里 圖附 山川 古蹟 塚墓 市集

橋梁 村莊 風俗 八景

卷之二

建置志

沿革 城池 圖附 縣署 學宮 倉廩 行署

牌坊 壇壝 廟祠 街巷

莘縣志

目錄

十四

卷之三

食貨志

里甲 戶口 田賦 鹽法 額外 物產

卷之四

機異志

卷之五

官師志

歷代封爵 名宦 知縣 典史 教諭 訓導

把總

卷之六

選舉志

文進士

武舉人

貢士

例貢

例城

封贈

恩廕

卷之七

人物志

勲伐

懿行

孝行

義烈

節孝

卷之八

藝文志上

津縣志

目錄

志

城邑

廟祠

卷之九

藝文志中

英靈

卷之十

藝文志下

政治 賦 詩

莘縣志卷之一

封域志

國家郵治覃敷重熙累洽車書所逮無遠弗彰山左爲畿輔屏障東昌爲水陸咽喉莘居府之西南屬直東交會地流峙悉關形勝謹陳其略以俟採風者之裁鑑云

分野

按先儒註尙書七政說文知在天經星二十有八分三域中郡邑之事緯星凡五入守經星度內有遲速和厲而水旱災祥應焉莘在齊衛之交齊屬虛危分野衛屬室壁分野故莘屬危之尾室之初危在子其星三室在亥其星八天人一理順逆相關休咎轉移乃精氣之自然有具觀察智者姑圖以待

莘縣志

卷之一 封域志

一